

**No.J.11012/1/2020-DC (Kzi)
OFFICE OF THE DEPUTY COMMISSIONER
KHAWZAWL DISTRICT : KHAWZAWL**

PRESS NOTE

Dated Khawzawl, the 31st March, 2020

Subj: Dy. Chief Minister, Pu Tawnluia'n Covid-19 Hripui do nan a bial chhung leh Khawzawl District a Damdawi In leh Task Force mamawh tam tak a pe.

Tuichang Assembly Constituency bialtu Deputy Chief Minister Pu Tawnluia chuan a bial chhung bakah Khawzawl District-a Damdawi In awm te mamawh PPE, Mask, Hand Sanitizer, etc tun hnaia Mizoram Sorkar in a chah thlen chu motor min ngaihtuah sakin vawiin 31st March 2020 hian Khawzawl-ah min phurh thlensak a ni. Pu Tawnluia hian heng bakah hian a bial te tan Mask 1500, Glove 150, Sanitizer 50 Litres, Disinfectant thahnem tak leh Silpouline Bundle 4 a pe a. A bial chhung a Task Force te leh Damdawi In lamin an mamawh hun atana an hman atan ruahman a ni. Pu Tawnluia hian Sialhawk Damdawi In-a Isolation Ward thawm that nan pawisa fai a pek tel bakah a bial chhung a District leh Village Level Task Force leh MNF Block duty te tan tanpuina pawisa fai a pe a. Khawzawl CHC, Khawhai PHC, Sialhawk PHC leh a bial pawn Khawzawl District chhung Rabung, Kawlkulh leh Biate CHC a Frontline Workers te tan Cheng 20,000 theuh a pe bawk a. Pawisa fai tanpuina a hlan hi a vaiin Rs. 5,00,000/- a ni. A bial chhung a ei leh bar a harsatna tawk te chhawmdawl nan Buhfai Quintal engemawzat sem turin ruahmanna siam tel a ni bawk a ni. Heng bungrua leh tanpuina pawisa te hi Khawzawl District leh Bial mipui aiawh in Pu H. Lianzela, Deputy Commissioner Khawzawl in alo dawng a ni. Heng hmanrua leh thilpekte hi naktuk 1st April, 2020 Dar 11:00 AM atangin DC office-ah semchhuah a ni ang.


Hemi bakah hian Pu R. Lalrintluanga Principal Govt. Khawzawl College te chungkua leh Pu J. Lalzela Khawzawl Dinthar te chungkua chuan District Level Task Force, Khawzawl hnenah tanpuina Rs.10,000/- ve ve an hlan bawk.

Hetianga khawvel pumin Hripui COVID-19 avanga harsatna namenlo kan tawh dan hrethiam a, Khawzawl District Mipuite he hripui laka kan him theih nana hmalatute leh inkharkhip(lockdown) avanga harsatna tawkte tana inphal taka thilpek petu leh atul ang ang min ngaihtuahsaktu Pu Tawnluia, Deputy Chief Minister, Pu R. Lalrintluanga Principal Govt. Khawzawl College leh Pu J.

Lizela Khawzawl Dinthar te chungkaw chungah District Level Task Force chuan lawmthu a sawi tak meuh meuh a ni.

Hetih lai hian COVID-19 Positive Case chuanna GoAir, G8X/G-8298 Flight-a ni 16.03.2020-a chuang ve, Chawngtlai khua leh Chalrang khua Khawzawl District huam chungam mi te COVID-19 an kai leh kai loh test tura Sample ni 27.03.2020-a Khawzawl District Hospital atanga Silchar-a thawn chu waviin ni 31.03.2020 hian result a chhuak a, he hripui hi an vei lo(negative) a ni tih tihchian a ni. Amaherawhchu April ni 6, 2020 thlengin home quarantine in an la awm zui zel tho ang.

Mitinte Sawrkar thuneitute thu zawm a, COVID-19 laka kan him theih nana theih tawp chhuah a, fimkhur zel turin kan inngen nawn leh mawlh mawlh a ni.


34/8/20

(H. LIANZELA)

Deputy Commissioner

Khawzawl District : Khawzawl

&

Chairman

District Level Task Force on Covid-19